

Масжидда иккита муаззин бўлиши | Ҳадис дарслари (307-дарс)

Ҳадис
ДАРСЛАРИ

307-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 13.11.2024 2017

هُنَعُ هَلَلَا يَضَرَّ رَمْعَ نُبَا نَع
يَلَّصَ هَلَلَا لُؤْسَرَلْ نَاكَ : لَاق
نَا نَدَّؤْمَ مَلَّسَوِ هَيْلَعُ هَلَلَا
مُؤْتَكَمِّمٌ نُبَاوُ لَالِب
مَلَّسُمُ هَاوَرِ . يَمْعَالَا

Ибн Умар розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг иккита муаззинлари бор эди: Билол ва аъмо (кўзи ожиз) Ибн Умму Мактум».

Муслим ривоят қилган.

Шарҳ: Ибн Умму Мактум кўзи ожиз саҳобий бўлганлар. Асл исмлари Абдуллоҳ ибн Қайс. Оналарининг исми Отика ал-Маҳзумия.

هَلَلَا يَلَّصِي بِنَلَا نَعُ هُنَعَو
أَلَّابُنَا لَأَقَمَّ لَسَو هِيَلَع
أُولُكَفِي لِيَلْبُنْ دَوِي
مُأْنَبَا يَدَانِي يَّتَح أُوْبَرَشَاو
دَاوَو. هَسَمَخَلَا هَاوَرِي مَوْتُكَم
أَلْجَرَنَاكَو: لَأَقِي رَاخُبَلَا
لَأَقِي يَّتَح يَدَانِي أَل يَمْعَا
تَحَبُصَا تَحَبُصَا هَل

Яна ўша кишидан ривоят қилинади:

«Набий соллаллоҳу алайҳи васаллам:

«Билал азонни тунда айтади, Ибн Умму Мактум азон айтгунича еб-ичаверинглар», дедилар».

Бешовлари ривоят қилганлар.

Бухорий:

«У кўзи ожиз киши бўлиб, қачон унга субҳ бўлди, субҳ бўлди, дейилсагина азон айтар эди», деган жумлани зиёда қилган.

Шарҳ: Бу Рамазон учун одамларни саҳарликка уйғотиш ва уларга саҳарлик вақтини билдириш мақсадида икки марта азон чақириш йўлга қўйилгани ҳақида айтилган гап. Ҳазрати Билол кечаси одамларни уйғотиш учун азон айтар эдилар. Ўша азондан кейин саҳарликни давом эттириш мумкин эди.

Абдуллоҳ ибн Умму Мактум розияллоҳу анҳу эса тонг отганда Бомдод намози учун азон айтар эдилар. Албатта, бу вақтда саҳарлик қилиб бўлмайди.

Ушбу ҳадисдан олинадиган фойдалар:

1. Одамларни уйғотиш ва шунга ўхшаш мақсадда тонгдан олдин ҳам азон айтиш жоизлиги.
2. Бомдод азонидан кейин саҳарликни тўхтатиш кераклиги.
3. Вақтни айтиб турадиган одам бўлса, кўзи ожиз киши ҳам азон айтиши мумкинлиги.

Ушбу ҳадисларни далил қилиб, кўпчилик имомлар «Бир масжидда иккита муаззин бўлиши керак», деганлар. Ҳанафийлар эса «Эҳтиёжга қараб, битта ҳам, кўп ҳам бўлаверади», деганлар.

«Ҳадис ва ҳаёт» китобининг 4-жузи асосида тайёрланди.